



## MATADALAN FUNDUS FONGTIL - ReNAS

### 1. Introdusaun

Rede Nasionál ba Auditoria Sosiál (ReNAS) mak Rede ida ne'ebé mak estabelese bazeia ba Nota de Intendementu (Ndi) ne'ebé Governu no Forum Organizsaun Naun-Governmental Timor-Leste (FONGTIL) estabelese hodi hala'o programa auditoria sosiál.

Bazeia ba Nota de Intendementu (Ndi) ne'ebé asina hosi Governu no FONGTIL iha 25 Maiu 2015, parte rua ne'e aseita atu fó espasu ba envolvimentu sosiedade sivíl no públiku hodi fó hanoin atu hadi'a liu tan servisu ne'ebé Governu fornese ba sosiedade. Nota de Intendementu ne'e mós fó sai importánsia hodi fó kbiit ba membru FONGTIL no organizasaun sosiedade sivíl sira, hodi bele fasilita atividade auditoria sosiál iha nivel hotu-hotu iha sosiedade nia leet.

ReNAS ninia kompozisaun mak mai hosi membru FONGTIL no organizasaun sosiedade sivíl sira seluk ne'ebé hola parte iha iniciativa auditoria sosiál ninian.

ReNAS mak Rede nakloke hodi halo parseria ho organizasaun comunidade nian, organizasaun nasional no internasionál sira ne'ebé hakarak promove partisipasaun públiku, liu-liu partisipasaun sosiedade sivíl hodi garante qualidade fornese servisu (pelayanan) públiku tuir prinsípiu governasaun di'ak.

Iha tinan 2016 ReNAS liu husi FONGTIL, ne'ebé halo parseria ho Fundasaun Ázia hetan finansiamentu hosi Uniaun Europea (EU) ba tinan 2 atu suporta sosiedade sivíl membru FONGTIL no rede sira ne'ebébe halao programa advokasia ka auditoria sosiál.

### 2. Area prioridade ne'ebé bele hetan fundus

Programa sira konkretu, ho impaktu maka'as iha comunidade hodi garante ema hotu-hotu tantu nia feto ka mane, ferik ka katuas, joven ka labarik nomos iha defisiensia fisika bele iha asesu no benefisiu hanesan iha iha prosesu dezvoltamentu hotu iha kurtu prazu no garante ninia sustentabilidade.

Setór Prioridade sira:

1. Edukasaun
2. Saúde
3. Agrikultura
4. Infrastrutura bázika



*Cross cutting issue* (jéneru, deficiente, ambiente, no transparénsia ou asesu ba informasaun)

- (i) Atividade ne'ebé bele hetan fundus, mak atividade auditoria sosiál hodi sukat impaktu sosio-ekonomiku, ambiental, jeneru no inklusaun sosial hosi implementasaun orsamentu estadu ba seitor prioridade ne'ebé mensiona iha leten no rekomendasaun sira atu hadiak sistema ezekusaun no atendimentu iha kada instituisaun governu nian.
- (ii) Atividade ne'ebé implementa tenki tuir seitor prioridade hanesan temi iha leten no asegura katak iha metodolojia no aproximasaun adequadu hodi garante asuntu transversal sira hetan konsiderasaun iha aktividade auditoria sosial nian.
- (iii) Atividade ne'ebé involve *stakeholder* hotu no garante partisipasaun inklusivu husi comunidade nudar benefisiariu tuir siklu implementasaun atividade nian.
- (iv) Actividade ne,ebé garante involvmentu organizaun ka autor shave iha comunidade hanesan estrategia ba hakbiit comunidade hodi hala,o atividade auditor sosial rasik iha futuru.

### 3. Painél

Konsellu Diretivu ReNAS sei estabese Komite Revizaun ne'ebé kompostu hosi ema nain lima to'o hitu hitu (5-7) ne'ebé mai hosi membru Konsellu Diretiva (KD) nain rua (2), no nain lima (5) hosi entidade ka individu ne'ebé iha esperiensa ho matenek iha área prioridade ne'ebé auditoria sosiál sei tau matan ba atu halo selesaun ba proposta ne'ebé mai hosi OSS no Rede advokasia, no mós servisu atu prevene kualkér konfliktu-interese hafoin haruka ba Steering Committee aprova. Membru painél sei iha representasaun ne'ebé balansu jéneru.

### 4. Kitéria Aplikasaun ba Fundus Auditoria Sosial

- Tipu organizaun ne'ebé bele sai aplikante ba fundu Auditoria Sosial nian mak Organizaun sosiedade sivíl sira ne'ebe kompostu husi :Organizaun Naun Governmental, Organizaun Komunitade, Organizaun Feto, Organizaun Juventude,Organizaun Defisiensia,Organizaun Media no rede advokasia sira.
- Organizaun sira ne'ebe bele aplika ba Fundus Auditoria Sosial maka organizaun sira ne'ebe rejistu ona iha Ministériu Justisa no mos rejistu iha FONGTIL ka Rejistu iha Konsellu Nasional Juventude, ka Asosiasaun Jornalismo ka Asosiasaun Defisiensia.
- Organizaun sira refere iha programa ne'ebé klaru ligadu ho auditoria sosiál no inklui prosesu ne'ebé klaru no instrumentu sira ne'ebé kompletu hodi garante prosesu ne,ebé partisipativu no inklusivu no loloos iha ninia implementasaun (justifika ho planeamentu, instrumentu)
- Organizaun nia sistema finansa no sistema operasaun sira seluk forte hodi garante transparénsia no akontabilidade iha organizaun nia laran (justifika ho polítika ruma),no prontu hetan audit husi se de'it.
- Organizaun nia esperiénsia no kapasidade ba ezekusaun programa no ezekuta orsamentu inklui prodús relatóriu finansa ho qualidade.
- Organizaun sira iha kapasidade no esperiénsia ba análise dados no hakerek relatóriu ne'ebé iha qualidade no publikasaun.
- Organizaun sira iha abilidade atu halo disseminasaun no advokasia ho efetivu ba rezultadu sira.

## 5. Ezemplu husi buat ne'ebé labele selu ka sosa uza fundus ida ne'e:

- Konferensia ka viajen ba rai liur
- Programa relijiaun no polítika
- Labele uza hodi sosa tua, sigaru, aimoruk, konsumu droga
- Labele uza selu taxa no debe (tusan)
- Labele utiliza ba nesesidade privadu
- Apoiu ba atividade partidu ka grupu ilegal ruma
- Ema ne'ebé involve iha estrutura laiha ligasaun familia (nepotizmu ka KKN)
- Atividade ne'ebé iha potensia atu hamosu ka aumenta tensaun ka konfliktu entre grupu ka ema ruma sei la konsidera
- Osan ba vensimentu labele liu 40 % husi valor total projetu
- Artigu/sasán balun ne'ebé la temi iha proposta ne'ebé hetan aprovasaun.

## 6. Prosedimentu atu hetan fundus:

- Kada organizasaun ka rede tenki hatama aplikasaun/proposta tekniku no finansas tuir matadalan proposta ne'ebé tuir padraun. Aplikasaun ne'e diriji ba Koordinator ReNAS iha edificiu FONGTIL iha Caicoli Dili
- Aplikasaun/proposta tenke hatama tuir data ne'ebe sei mesiona iha avizu ba hatama proposta. Proposta ne'ebé hatama liu data ikus (deadline) ne'ebe mak termina, mak proposta ne'e sei la hetan konsiderasaun ka invalidu. Painel ka komisaun revizaun sei révee aplikasaun sira – lista kandidatu ne'ebé liu no desizaun final
- Lista kandidatu sira ne'ebé selesiona (*shor-listed applicants*) sei konvida atu halo apresentasaun ba Painel Revizaun hodi bele tulun halo desijaun final
- Bainhira aplikasaun ida pasa/liu, Fundasaun Azia sei prepara Karta Akordu no sei iha mós diskusaun ho RENAS/FONGTIL. Karta ida ne'e sei hakerek oinsá gasta fundus ne'e nomós rekerimentu ba halo relatoriu sira. Karta ne'e sei asina husi Steering Committee no Diretóra Fundasaun Azia no organizasaun benefisiariu.
- Montante ikus hosi fundus ne'e sei negosia bazeia ba kapasidade finansial husi aplikante, no mós âmbito atividade ne'ebé propoin ona.
- Organizasaun benefisiariu sei simu fundus dala tolu: 40% wainhira hahu; 40% wainhira hatama relatório progressu (narativu no finansas) no 20% atu finaliza programa.
- Monitorizasaun no avaliasaun
  - Monitorizasaun: membru Konsellu Diretiva no Kordenador ReNAS no Fundasaun Azia sei halao vizita regular ba aktividade sira (tuir planu implementasaun programa nian). Organizasaun Sociedade Sivil sira sei responsabiliza atu hala'o monitorizasaun no avaliasaun ba sira-nia atividade.
  - Avaliasaun (ba atividade hotu ne'ebé kompleta tiha ona) : membru KD, Koordinadór ReNAS

## 7. Kriteria halo selesaun ba Proposta

	<b>Rezultadu sira</b>	
<b>1. Relevansia asaun nian</b>		
1.1 Presiza relevansia asaun nian ba Munisipio ka Regiao en jéral, no ba grupu tarjetu no benefisiáriu finál en partikular	5	
1.2. Kualidade proposta	5	
1.3. Esperiensia organizasaun nian no kapasidade rekursu umanus ne'ebé iha iha area auditoria sosial nian	5	
1.4 Relevansia ba prioridade no objetivu sira ne'ebé mensiona iha Matadalan ne'e	5	
1.5. Instrumentu Auditoria Sosial nebe sistematiku (Siklu Auditoria Sosial) inklui Metode Kolesaun Dadus no Tools Analisa Dadus	5	
Sub rezultadu	25	
<b>2. Efetividade no Viabilidade asaun nian</b>		
2.1 Avaliasaun kona-ba identifikasaun no analiza problema sira	5	
2.2 Avaliasaun atividade propostas (relasaun ho objetivu no rezultadu ne'ebé ita hein)	5	
2.3 Avaliasaun papel no involvimentu NGO/CBO no parseiru sira hotu	5	
Sub rezultadu	20	
<b>3. Sustentabilidade asaun nian</b>		
3.1 Avaliasaun identifikasaun risku sira, molok hahú projetu no iha períodu implementasaun no Mitigasaun ba risku	5	
3.2 Avaliasaun sustentabilidade kurtu-prazu kona-bá grupu tarjetu sira no benefisiáriu finál sira	5	
Sub rezultadu	<b>10</b>	
<b>REZULTADU TOTAL</b>		<b>55</b>

## 8. Fundus

Fundu másimu ba organizasaun no Rede ida hamutuk **USD 20,000.**

## 9. Kalendáriu

Deskripsaun	Data
Anúnsiu kona-ba proposta:	12 / 12 / 2017
Aplikasaun ikus ba proposta:	12 / 01 / 2018 (Tuku 5 Lokraik)
Selesaun ba proposta:	18 - 31 / 01 / 2018
Rekomendasaun husi Komite Review ba Ekipa Due Diligence :	02 /02 /2018
Prosesu Due Diligence husi Kandidatu Grantees	05 /02 – 02 /03/ 2018
Aprovasaun husi Steering Committee Audit Sosial	05 – 07/03/2018
Anúnsiu ba proposta ne'ebe aprova:	15 / 03 / 2018
Asina Akordu no entrega fundus:	25/03/2018

## 10. Prosedimentu halo relatóriu

Bainhira atividade la'ona (depende ba durasaun implementasaun atividade) bainhira fundus ne'e háhu gasta, parte ne'ebé simu fundus sei hatama relatoriu progresu kona-ba uzu husi fundus ne'e. Relatoriu ne'e tenke akompaña mos hó relatoriu finansas ida ne'ebé esplika kona-ba oinsa uza fundus ne'e.

Relatoriu final ida (relatoriu narativu no finansas) sei hatama iha rohan husi fundus ne'e (tarde liu mak fulan ida depois de atividade sira hotu remata). Relatoriu ne'e presiza inklui detallu sira kona-ba oinsá uza fundus ne'e nómos impaktu saida mak fundus ne'e iha ona ba comunidade.

## 11. Prosedimentu finanseiru

- Parte ne'ebé simu fundus presiza halo pedidu ba fundus ida através de haruka Relatoriu Finansas ida ba ReNAS
- Hatama planu servisu
- Parte ne'ebé simu fundus iha sistema finansas ne'ebé tuir padraun
- Despeza hotu tenke fornese resibu orijinál sira – (kombustivel, hahán, material ba edifísiu/ATK, gastu ba komunikaun, nsst).
- Tenke fornese dokumentu komplementariu sira:
  - Enkontru, workshop, seminário no seluk tan: tenke hatama lista partisipante;
  - Kontratu ho kordenador projetu nian;
  - *Procurement*: uainhira gastu boot liu \$100 tenke iha kotasaun 3;
  - Kartaun identidade husi ema sira ne'ebé fornese servisu (prepara hahan, lori kareta, aluga kareta, etc)
- Relatoriu finansas tenke uza modelu Uniaun Europeia nian
- Fundus ne'ebé la gasta hotu bainhira programa implementasaun hotu ona tenki entrega fali ba ReNAS.

Obrigado ba atensaun no koperasaun

Informasaun ruma bele kontaktu mai :

[www.fongtil.org](http://www.fongtil.org)

[www.facebook.com/fongtil](http://www.facebook.com/fongtil)

Email : [timordiak@gmail.com](mailto:timordiak@gmail.com)/ [freitas\\_nono@yahoo.com](mailto:freitas_nono@yahoo.com)/ [bnauzylove@gmail.com](mailto:bnauzylove@gmail.com)/  
[lnrogerio64@gmail.com](mailto:lnrogerio64@gmail.com)

Bele Contacto ba ; +670 7690 9789 ou +670 77242717 ou +670 77236782 ou +670 78571678

WhatsApp : 77919680